


سوارا مسجد العظيم  
**Suara  
Masjid  
Al-Azim**



**JADUAL IMAM/BILAL BERTUGAS PADA 3/4/2009**

USTAZ MOHD AMIRUDIN BIN AHMAD - IMAM 2

USTAZ HAJI AB. RASHID BIN AB. RAHMAN - BILAL 1

(Tajuk Khutbah : Kepentingan Menjaga  
Kesihatan Rohani Dan Jasmani)

**JADUAL SOLAT HARI INI**

SUBUH	SYURUK	ZOHOR	ASAR	MAGHRIB	ISYAK	IMSAK
5.54	7.10	1.17	4.21	7.20	8.29	5.44

No. Tel : 06-284 1142 Faks : 06-286 0435 Website : www.al-azim.com Email : maazim@streamyx.com

**Bil. 14/2009**

**Tarikh: 3 April 2009 / 7 Rabiulakhir 1430H**

**PERCUMA**

*Tazkirah*

## **RAHSIA LUQMAN AL-HAKIM DALAM MENDIDIK ANAK**

*Sambungan dari minggu yang lepas*

Sekiranya itu yang kamu lakukan, maka tidak ada seorang pun yang mahu berteman denganmu. Semua orang akan menjauhimu. Biasakanlah menyenangkan urusanmu, bersabarlah menghadapi pahitnya segala masalah dan membaiki akhlakmu terhadap orang lain. Orang yang baik akhlaknya dan nampak kegembiraannya di depan orang lain maka ia akan dihormati oleh orang-orang yang taat, dicintai oleh orang-orang soleh dan akan dijauhi oleh orang-orang jahat."

### **76. Hikmah Luqman mengenai hidup bahagia**

Luqman berkata kepada puteranya, "Puteraku, janganlah kamu menggantungkan dirimu pada kecemasan. Jangan pula kamu menyibukkan hatimu dengan kesedihan. Jauhi sifat tamak, relalah dengan qada dan puaslah dengan apa yang diberikan Allah. Sekiranya semua itu kamu lakukan, pasti hidupmu akan indah, dirimu akan senang dan hidup akan terasa nikmat. Sekiranya kamu menginginkan kekayaan dunia maka janganlah kamu tamak dengan apa yang dimiliki orang lain. Para nabi dan orang-orang yang benar tidak akan dapat apa yang mereka mahu kecuali dengan membuang sifat tamak mereka pada setiap perkara yang dimiliki oleh orang lain."

### **77. Hikmah Luqman mengenai dunia dan umur.**

Luqman berkata kepada puteranya, "Puteraku, dunia ini sedikit sekali. Umurmu lebih sedikit lagi. Yang tersisa hanyalah sesuatu yang di antara yang sedikit."

### **78. Hikmah Luqman mengenai melakukan kebaikan, berhemat, kedekut dan tidak boros.**

Luqman berkata kepada puteranya, "Puteraku, berbuat baiklah pada orang yang berhak memperoleh kebaikanmu. Jangan berbuat baik pada orang yang tidak berhak memperoleh kebaikanmu. Jika kamu berbuat baik pada orang yang tidak berhak, maka kamu akan rugi di dunia dan terhalang mendapatkan pahala kebaikanmu di akhirat. Berhematlah dan jangan boros. Janganlah kamu menguasai harta kerana kedekut dan jangan pula memberikannya dengan berlebih-lebihan."

### **79. Hikmah Luqman mengenai tiga tanda orang dengki.**

Luqman berkata kepada puteranya, "Puteraku, orang yang dengki mempunyai tiga tanda, pertama mengumpat temannya saat temannya itu tidak ada di hadapannya, kedua mencari muka saat temannya ada di hadapannya, ketiga senang apabila temannya melakukan maksiat."

### **80. Hikmah Luqman mengenai memiliki hikmah.**

Luqman berkata kepada puteranya, "Puteraku,



**INFO FATWA**  
**SYEIKH ALI JUM'AH (MUFTI MESIR)**  
**MASALAH BERSUCI**



**Perempuan Haid Menyentuh Mushaf Dan Membaca Al-Quran.**

Soalan:

*Apakah hukum menyentuh mushaf bagi perempuan haid ketika membacanya di dalam acara keagamaan yang dilakukan secara berjamaah?*

Jawapan:

Sebenarnya di dalam hal ini ada dua permasalahan yang harus kita selesaikan. **Pertama**, menyentuh mushaf, dan kedua, membaca Al-Quran. Adakah membacanya (Al-Quran) boleh dilakukan tanpa menyentuh mushaf. Contohnya, seseorang memperdengarkan hafalannya di hadapan seseorang untuk disemak, atau dia membaca Al-Quran dengan cara melihatnya saja daripada jauh tanpa menyentuhnya?

Di dalam hal ini ada dua permasalahan sebagaimana kami sebutkan di atas, iaitu: Menyentuh mushaf dan membaca tanpa menyentuhnya.

Mengenai menyentuh mushaf, para imam besar mazhab yang empat berkata, "Bahawa menyentuh musnaf tidak dibolehkan kecuali bagi orang yang berwuduk. Sedangkan menurut Ibnu Hazam, bahawa menyentuhnya tanpa berwuduk adalah boleh.

Fatwa kami di dalam hal ini adalah: Kami tidak ingin seseorang terputus atau jauh daripada Al-Quran. Oleh sebab itu, jika seseorang sanggup berwuduk setiap kali ingin membaca dan menyentuh Al-Quran, agar dia keluar daripada perkhilafan ulama. Hal yang demikian lebih tepat dan baik. Dia akan mendapat pahala yang besar di sisi Allah S.W.T. Sedangkan bagi orang yang

*Bersambung di m/s 3 >>>*

<<< sambungan dari m/s 1

biasakanlah berhikmah maka kamu akan mulia. Hormatilah hikmah, maka kamu akan terhormat. Penghulu akhlak hikmah adalah agama Allah."

**81. Hikmah Luqman mengenai bergaul dengan orang lain.**

Luqman berkata kepada puteranya, "Puteraku, orang yang memikul tanggungjawab yang dia tidak sanggup menjalani maka ia akan lemah. Orang yang bangga pada diri sendiri maka ia akan hancur. Orang yang sombong pada orang lain maka ia akan hina. Orang yang enggan mesyuarat, maka ia akan menyesal. Orang yang bergaul dengan orang-orang pandai maka ia menjadi pandai. Orang yang sedikit perkataannya maka ia sihat terus."

**82. Hikmah Luqman mengenai bergaul dengan orang bodoh.**

Luqman berkata kepada puteranya, "Puteraku, janganlah kamu bergaul dengan orang bodoh walaupun dia tampan rupanya. Orang bodoh itu seperti pedang, bagus mata pedangnya namun buruk bekasnya."

**83. Hikmah Luqman mengenai berdusta.**

Luqman berkata kepada puteranya, "Puteraku, janganlah kamu berdusta kerana berdusta itu lazatnya seperti daging burung. Orang yang memakan sedikit sahaja, pasti dia akan ketagihan."

**84. Hikmah Luqman mengenai rendah hati.**

Luqman berkata kepada puteranya, "Puteraku, bersikaplah rendah diri untuk suatu kebaikan, pasti kamu akan menjadi orang yang paling cerdas."

**85. Hikmah Luqman mengenai menyingkapi perselisihan, berkata benar dan marah.**

Luqman berkata kepada puteranya, "Puteraku, orang yang lalai dalam perselisihan maka dia akan dimusuhi. Orang yang melampaui batas dalam perselisihan, maka dia akan berdosa. Katakanlah yang benar walaupun pada dirimu sendiri dan jangan beri kesempatan (bagi dirimu untuk marah)."

**86. Hikmah Luqman mengenai menyingkapi orang lain.**

Luqman berkata kepada puteranya, "Puteraku, janganlah sekali-kali kamu mencela orang bijak dan jangan kamu berdebat dengan orang yang keras kepala. Janganlah bergaul dengan orang yang zalim dan jangan pula berteman dengan orang yang selalu berburuk sangka." .

**87. Hikmah Luqman mengenai teman yang jahat.**

Luqman berkata kepada puteranya, "Puteraku, jauhilah teman yang jahat kerana teman yang jahat ibarat pedang yang terhunus. Bentuknya membuatmu kagum namun bekas (luka yang disebabkan) sangadah buruk."

# Belajar Bahasa Arab

Bersama : Ustaz Haji Fazly bin Haji Yaacob

## Pelajaran Empat Ratus Dua

هَيَّا نَذْهَبُ لِلتُّزْهَةِ

### MARI KITA PERGI BERSIAR-SIAR

أشرف : سَنَذْهَبُ لِلتُّزْهَةِ فِي عَاصِمَةِ كُوَالَا لَمَقُورِ.

Ashraf: Kita akan pergi bersiar-bersiar di Ibu Negara Kuala Lumpur.

محمود : هَذَا رَائِعٌ!

Mahmud: Ini menarik!

فؤاد : إِلَى أَيْنَ سَنَذْهَبُ ؟

Fuad: Ke mana kita akan pergi?

أشرف : سَنَذْهَبُ لِلتُّزْهَةِ فِي عَاصِمَةِ كُوَالَا لَمَقُورِ.  
وَبُرْجِ التَّوَامِ فَيَتْرُونَسِ.

Ashraf: Kita akan melawati Menara Kuala Lumpur, Muzium Negara dan Menara Berkembar Petronas

محمود : بَعْدَ الزِّيَارَةِ، نَسْتَرِيحُ فِي بُحَيْرَةِ "تَيْبِي وَعِشَا".

Mahmud: Selepas lawatan, kita berehat di Tasik Titiwangsa.

sudah sampai dua atau tiga hari tidak dapat membaca Al-Quran kerana tidak sanggup melakukan wuduk dengan halangan tertentu, maka tidak mengapa, ambil dan sentuhlah Al-Quran. Di dalam hal ini, membaca lebih diutamakan daripada menyentuh. Kebiasaan seseorang membaca Al-Quran tidak terputus hanya kerana permasalahan wuduk. Sekali lagi (landasan kami di dalam hal ini) adalah kami tidak ingin seseorang terputus daripada Al-Quran di dalam kehidupan seharian. Sebab itu maka barangsiapa yang beruzur untuk melakukan wuduk maka bertaklidlah kepada orang yang membolehkan membaca Al-Quran tanpa wuduk.

Dengan demikian, maka pendapat ulama di dalam hal menyentuh Al-Quran terbahagi kepada dua golongan. Pertama: Pendapat para pembesar mazhab yang empat, iaitu: tidak boleh menyentuhnya kecuali bagi orang yang berwuduk (suci). Kedua: pendapat Ibnu Hazam, iaitu: Masalah berwuduk di dalam hal ini bukan suatu keharusan.

Maka bagi orang yang sanggup berwuduk setiap kali ingin membaca Al-Quran, adalah baik. Jika tidak, maka membaca Al-Quran baginya adalah lebih baik daripada tidak. Di dalam hal ini ia dianjurkan untuk bertaklid kepada para ulama yang membolehkan membacanya tanpa wuduk, iaitu ulama mazhab Zahiriah.

Permasalahan membaca Al-Quran, maka Rasulullah S.A.W. sendiri sentiasa membaca Al-Quran kecuali jika baginda di dalam keadaan junub (berhadas besar), sebagaimana dijelaskan di dalam sebuah hadis yang bersumber daripada Ali beliau berkata, "Adalah Rasulullah membacakan Al-Quran kepada kami di dalam setiap kesempatan selama baginda tidak di dalam keadaan berjunub."

Haid dan nifas termasuk di dalam kategori junub.

Para pembesar mazhab yang empat berkata, "Hindarilah membaca Al-Quran dengan tujuan ibadah jika engkau di dalam keadaan berjunub." Sedangkan Imam Malik sendiri mengatakan, "Dalam permasalahan ini, terdapat perbezaan antara haid dan junub, meskipun sesungguhnya kedua-duanya masing-masing tidak dibenarkan untuk melakukan solat. Orang yang berjunub jika dia mandi janabah maka tidak dikatakan berjunub lagi.

Sebaliknya orang yang haid dikatakan suci apabila dia suci daripada haid lalu bersuci dengan cara mandi. Disebabkan perbezaan itu, maka imam Malik berpendapat bahawa, jika orang yang haid takut akan kehilangan hafalan Al-Qurannya maka dia dibolehkan membaca Al-Quran." Demikian pernyataan daripada imam Malik. Namun perlu diketahui bahawa, imam Malik tidak mengatakan "boleh menyentuh", ia hanya mengatakan "boleh membaca." Perempuan yang membaca Al-Quran di dalam keadaan seperti ini tidak dianggap beribadah, tapi hanya belajar."

Jika demikian keadaannya dan imam yang empat berpendapat bahawa membaca Al-Quran tanpa wuduk

## SIDANG REDAKSI

### PENGERUSI

Y.A.B. Datuk Seri Hj. Mohd. Ali Bin Mohd. Rustam  
(Ketua Menteri Melaka)

### PENAUNG

Y.B Tuan Hj. Ghazale Bin Muhamad  
(Timbalan Pengerusi MAIM)

### PENASIHAT

Y. Bhg. Datuk Alias Bin Mad Saad  
(Pegarah JAIM)

### KETUA PENGARANG

Al-Fadil Tn. Hj. Mohammad  
Bin Hashim Al-Hafiz  
(Imam Besar Masjid Negeri Melaka)

### EDITOR

Tuan Hj. Ab. Rashid Bin Ab. Rahman  
(Bilal Satu)

### PENGARANG

Ustaz Hasbullah Bin Selah @ Salim  
(Imam Satu)

### SIDANG PENGARANG

Ustaz Mohd. Amirudin Bin Ahmad  
(Imam Dua)

Tuan Haji Yaacob Bin Abdul Majid  
(Imam Rawatib)

Pn. Mahaniza Binti Mahat  
(Pembantu Tadbir)

Ustaz Mohd Aidiel Bin Jaapar  
(Noja)

Tuan Hj. Borhan Benjamin Bin Abdullah  
(Penyambut Tetamu)

## JADUAL KELAS PENGAJIAN MASJID AL-AZIM MELAKA

HARI/MASA	SUBUH	ZOHOR	ASAR	MAGRIB	ISYAK
ISNIN		2.30 Ptg. Kelas Asas Al-Quran Kanak-Kanak	5.00 Ptg. Al-Quran Wanita Tn. Hj. Ab. Rashid b. Ab. Rahman	7.30 Mlm. Tn. Hj. Zakaria b. Lemat (Mustika Hadis)	
SELASA		2.30 Ptg. Kelas Asas Al-Quran Kanak-Kanak	5.00 Ptg. Al-Quran Wanita Tn. Hj. Ab. Rashid b. Ab. Rahman	7.30 Mlm. Fekah Datuk Wira Hj. Rashid Redza b. Md. Salleh	Pengajian Asas Taranum Tn. Hj. Ramli b. Dollah
RABU		2.30 Ptg. Kelas Asas Al-Quran Kanak-Kanak		7.30 Mlm. Fekah/Sirah Tn. Hj. Ali Umar	
KHAMIS		2.30 Ptg. Kelas Asas Al-Quran Kanak-Kanak		7.30 Mlm. Majlis Bacaan Yasin & Tahlil	
JUMAAT		2.30 Ptg. Fardu Ain Ust. Halimah		7.30 Mlm. Tauhid/Al-Quran Tuan Hj. Mohammad b. Hashim	Kelas Berzanji Tn. Hj. Abdul Latip b. Joned
SABTU	6.00 Pg. Kuliah Subuh Tn. Hj. Abd. Rahim b. Khalik  8.00 Pg. Kelas Pengajian Tahfiz Kanak-kanak  8.30 pg. - 12.30 Tgh. Kelas Pengajian Dewasa Persijilan	2.00 Ptg. Kelas Pengajian Tahfiz Kanak-kanak		7.30 Mlm. Hadis Tn. Hj. Ibrahim b. Abdul Hamid	Kelas Bahasa Arab Ust. Fazly b. Hj. Yaacob
AHAD	6.00 Pg. Kuliah Subuh Ustaz Shukeri Najib b. Ab. Rahim  8.00 Pg. Kelas Pengajian Tahfiz Kanak-kanak  10.00 Pg. Tafsir Datuk Hj. Idris Al-Hafiz  8.30 Pg. - 12.30 Tgh. Kelas Pengajian Dewasa Persijilan	2.00 Ptg. Kelas Pengajian Tahfiz Kanak-kanak		7.30 Mlm. Tafsir Tn. Hj. Abd. Rahim b. Chalik	

< < < sambungan dari m/s 3

tidak dibolehkan, maka menurut kami orang yang haid tidak dibenarkan membaca Al-Quran dengan tujuan ibadat (ta'abbud) di dalam acara khatam Al-Quran yang dilakukan secara berjemaah. Sebab acara seperti ini dapat dipastikan adalah acara ibadah bukan acara belajar atau pengkajian terhadap Al-Quran. Bahkan ibadah perempuan haid di dalam keadaan seperti ini adalah menghindari membaca Al-Quran dan perkara demikian wajib baginya harus hadir di dalam acara tersebut maka bacaan yang boleh dihafalkannya adalah bacaan-bacaan zikir kepada Allah S.W.T, seperti doa, misalnya "Ya Qahhaar" dan sebagainya. Sebab Nabi S.A.W. sentiasa berzikir kepada Allah S.W.T. di mana dan di dalam keadaan apa sahaja.

Alasan lainnya adalah, bahawa Nabi S.A.W. bersabda kepada Abu Hurairah, "Sesungguhnya seorang mukmin itu bukanlah najis." Berdasarkan hadis ini bererti perempuan yang haid bukanlah najis. Dia hanya terhalang untuk membaca Al-Quran. Sebagaimana kita disyaratkan untuk berwuduk terlebih dahulu sebelum melakukan tawaf maka demikian juga kita disyaratkan untuk berwuduk terlebih dahulu sebelum kita membaca Al-Quran.

Perempuan haid tidak boleh membaca Al-Quran bukan bererti itu merupakan kekurangan bagi dirinya. Tidak membaca Al-Quran di dalam keadaan itu adalah satu ibadah baginya di sisi Allah.

Kesimpulannya: Seorang perempuan yang sedang

haid tidak dibolehkan membaca atau menyentuh Al-Quran kecuali kerana satu alasan saja, iaitu: Jika dia takut terlupa hafalannya jika ia tidak membaca Al-Quran (menurut pendapat mazhab imam Malik)(4). Jika dia tidak membaca Al-Quran dengan maksud melepaskan diri daripada perdebatan ulama maka hal itu lebih baik baginya.

Yang dimaksud dengan "belajar Al-Quran" di dalam permasalahan ini bukanlah memulai belajar. Sebab yang demikian itu, tetap dilarang berdasarkan kesepakatan ulama. Tapi yang dia maksud dengan belajar Al-Quran" di sini adalah mengulangi pelajaran (hafalan misalnya) yang telah dipelajarinya sebelumnya. Tujuannya adalah agar dia tidak lupa akan hafalan atau pelajaran tersebut. Untuk menambah hafalan baru, tetap tidak dibolehkan.

Apa yang dilakukan sebahagian wanita selama ini, yakni membaca Al-Quran tanpa menghiraukan larangan tersebut, sebaiknya ditinggalkan. Walaupun tujuan perbuatannya tersebut untuk mendekatkan diri kepada Allah S.W.T, tetapi ternyata lebih baik lagi jika hal tersebut kita tinggalkan. Pahalnya akan lebih banyak dan agung di sisi Allah S.W.T.

Ini lah jawapan terperinci daripada persoalan yang telah diajukan.

Pungutan Tabung Derma Masjid Al-Azim

**27.3.2009 - RM 5,066.50**

**PERINGATAN :**

SILA LETAKKAN RISALAH INI DI TEMPAT YANG SESUAI

Diterbitkan oleh : **Masjid Al-Azim Negeri Melaka.**  
Rekabentuk berkomputer dan dicetak oleh : **Percetakan Surya Sdn. Bhd.**